

NAMNA YA KUBORESHA UTU WETU

Sisi sote tunataka kuwa na utu unaovutia. Wengi hushangaa: Je, ni kwa nini mimi niko jinsi hii? Nawezaje kuibadilisha hali hii? Kwani siku zote nilikuwa hivi? Je, naweza kuwa tofauti?

HALI YA MWANADAMU KABLA NA BAADA YA DHAMBI

1. Je, mwanadamu alikuwaje pale alipotoka mokononi mwa Muumba? Zaburi 8:5, 6. _____
2. Dhambi aliharibu furaha ya mwanadamu. Ardhi nayo ilizalisha nini? Mwanzo 3:17, 18.

Moyo wa mwanadamu ilipanda mbegu yenye sumu ya uovu: kiburi, wivu, kijicho, uasi.

3. Tabia ya mwanadamu ikawaje? Isaya 59:9-12.

Utu wa mwanadamu ulivurugwa. Tabia yake iliharibiwa naye akatengwa kutoka kwa Mungu na akahuku-miwa kifo. Isaya 59:2.

4. Je, haki ya mwanadamu imelinganishwa na nini? Isaya 64:6.

Kuwa mwenye haki humaanisha kuafikiana na kipimo kilichotolewa na Mungu. Mwanadamu alikuwa katika maafikiano kamili pamoja na ile sheria ya Mungu. Lakini dhambi ndio iliyofanya kuwa isiwezekane kwake kukifikia kile kiwango kinachotakiwa na ile sheria. Wazo chafu latosha kututenga sisi kutoka kwenye haki kamili.

5. Je, ni miujiza gani 4 ambayo Mungu anataka kuifanya katika maisha yetu? 1 Wakorintho 1:30.

- a) HEKIMA. Tunaitwa tuwe wenye haki.
- b) _____ Anatutaja sisi kama wenye haki.
- c) _____ Anatufanya kuwa wenye haki
- d) UKOMBOZI. Anatufanya sisi kuwa wa kudumu milele.

6. Muujiza wa kwanza una jambo gani? WITO WA MUNGU KWENYE HAKI.

- a) Anatuvuta sisi Kwake Mwenyewe. (Yohana 12:32).
- b) Anaitua. (Mathayo 11:28).
- c) Anatufuta kama kondoo aliyepotea. (Mathayo 18:12, 13).
- d) Anatufanya tumwonee Mungu shauku. (Zaburi 63:1).
- e) Anapatia sisi imani. (Yohana 6:29).
- f) Anatuonesha sisi dhambi zetu. (Yohana 16:8).

7. Je, mujiza wa pili unahusu nini? KUHESABIWA HAKI (KUTAMKWA KUWA MWENYE HAKI, HATA KAMA NI MWENYE HATIA)

- a) Kristo anatuhesabia sisi sifa Zake. Kufanyika mwili Kwake, maisha Yake yasiyo na dhambi, kafara na kufufuka Kwake kunakufanya kule kuhesabiwa haki kwetu kuwezekane. Kwa njia ya maisha Yake makamilifu na yasiyo na dhambi, aliyafikia madai ya ile sheria. Warumi 8:34. (Waebrania 2:14, 15). Kwa njia ya maisha Yake, Kristo alilipa lile deni ambalo sisi tulipasa kulilipa wenyewe kwa ajili ya kuasi kwetu. (Isaya 53:5, 6; Warumi 5:10).



b) *Ni kukubali kwetu, kwa njia ya imani, juu ya tendo hili la Mungu kwa niaba yetu ndilo linalomfanya Mungu atutamke kuwa wenye haki. Huku ndio KUHESABIWA HAKI.*

Matokeo yake ni nini? Warumi 5:1. _____

8. Faida za haki ya kuhesabiwa ni zipi? (Kuruzukiwa, kupewa kama zawadi, kupewa bure).

a) *Tunapewa* _____ *Isaya 1:18; 43:25.*

b) *Yohana 1:12. Tunatamka kuwa ni* _____ *. Warumi 8:16.*

c) *Luka 10:20. Majina yetu yameandikwa katika* _____

d) *Jambo hili Yesu alilifanua kwa ule mfano wa Farisayo na Mtoza Ushuru. Luka 18:9 – 14.*

9. Mujiza wa tatu: KUREJEZWA KWA HALI ILIYOPOTEA. Je, mwanadamu aweza kuibadili tabia yake kwa jitihada zake mwenyewe? Yeremia 13:23; Warumi 7:24. _____

Katika wakati ule ule Kristo anapotutangaza sisi kama wenye haki, Yeye anatenda mujiza mwingine ndani yetu kwa kututakasa kwa njia ya HAKI YAKE YA KUPEWA. Waefeso 4:24.

10. Je, Mungu anataka kufanyaje na akili pamoja na moyo wetu kwa njia ya neema Yake? Ezeieli 36:25-27. _____

a) *Badiliko hili la moyo linatuwezesha sisi kuitii ile sheria ya Mungu. Waebrania 10:16.*

b) *Kristo anapokaa moyoni mwetu, anautakasa kwa Roho Wake Mtakatifu na kutupatia sisi asili mpya. Wagalatia 2:20. (Wakolosai 3:5-10).*

11. Je, ni sehemu gani za mwanadamu zinazotakaswa? 1 Wathesalonike 5:23.

a) **ROHO** – mawazo b) **NAFSI** – hisia. c) **MWILI** – tabia za maisha.

Matendo mema ni matokeo ya kuhesabiwa haki, sio njia ya kuupatia. (Waefeso 2:10).

12. Je, ni lini ambapo mujiza wa nne wa UKOMBOZI ama KUTUKUZWA utakapofanyika? 1 Yohana 3:2. _____

Tutafanana Naye na kubadilishwa kuwa katika kutokufa pale tutakapofufuliwa kutoka mautini. Tutakuwa na tabia kamilifu (Ufunuo 21:5). Kutakuwako na haki ya milele katika ile paradiso iliyorejewa.

13. Je, nifanyeje ili kwamba Yesu akaifanye miujiza hii maishani mwangu?

a) *Itikia wito Wake. (Isaya 45:22).*

b) *Kumwamini na kumkubali Yeye kama Mwokozi na Bwana wangu. (Matendo 16:31).*

c) *Kuzitubia dhambi zangu. (Matendo 3:19).*

d) *Kuipokea Sheria Yake Takatifu. (Waebrania 5:8,9).*

e) *Kuyafanya upya maamuzi yangu kwa kila siku.*

f) *Kustahimili hata mwisho. (Mathayo 24:13).*

14. Mpango wa Mungu kwa mwanadamu umefafanuliwa katika mfano wa mwana mpotevu. (Luka 15:11-24).

Kisa cha mwana mpotevu huonesha ule mpango wa ukombozi kwa mwanadamu. Yule mwana anaye-kaa nyumbani humwakilisha Adamu katika Edeni. Anapoondoka nyumbani, anaanguka. Mwana mpotevu alitumia vyote alivyokuwa navyo, jambo ambalo linaashiria kutweza kwa maadili. Utumwa huu ni utumwa wa Shetani. Alipozingatia moyoni; hii ni kazi ya kimya kimya ya Roho Mtakatifu. Analitambua kosa lake pale anaposema, “Nitaondoka, niende kwa baba yangu.” Kuambatana na baba yake ni kule kuhesabiwa haki. Lile vazi bora la baba ni ile haki ya kuhesabiwa. Kuvikwa upya kwa vazi lile ni haki ya kupewa. Hatimaye, ile karamu inawakilisha kutukuzwa.

15. Je, ni furaha zipi tatu ambazo Mkristo huzipata katika Yesu?

Moyo wetu umejaa furaha tunapopata habari hizi njema.

- a) Kwanza tunapata **furaha ya wokovu**. (Zaburi 51:12).
- b) Kisha **furaha ya utii**. (Zaburi 119:174).
- c) **Furaha ya milele**. (Isaya 25:10).

.....

Uamuzi wangu: Ninaamini ya kwamba nimehesabiwa haki kabisa kwa imani na kwamba matendo ni matunda yake na uthibitisho wa upendo wangu. ☐ Ndio ☐ Hapana

.....